

Տ. Հուսիկ եպս. Սանթուրյանը հանում է նորընծա տ. Մոմիկ քահանայի գլխից սարկավազական ջրումը (գորակ)՝ այն փոխարինելով կուսակրոն քահանայության խորհրդանիշ վեղարով. «Հանցե՛ Աստուած գհին մարդն՝ որ ըստ Աստուծոյ հաստատեալ է արդարութեամբ և սրբութեամբ...»:

Նույն օրը, ժամը 15-ին, Ղազարապատի միաբանական սեղանատանը տրվում է ճաշկերույթ՝ վեհափառ Հայրապետի նախագահությամբ՝ ի պատիվ նորասպասկների:



Տ. Մոմիկ արեղա Սարգսյան

Տ. Մոմիկ արեղա Սարգսյան

Ծնվել է 1950 թվականին Լեհիսկանում, քահանայի ընտանիքում:

1968 թվականին ավարտել է տեղի միջնակարգ դպրոցը և 1969 թվականին ընդունվել հոգևոր ճեմարան:

1972 թվականին սարկավազ է ձեռնադրվել: Հոգևոր ճեմարանն ավարտել է 1974 թվականին: Ավարտաճառի թեման է եղել՝ «Խրիմյան Հայրիկը որպես մանկավարժ»:

Նորընծա արեղան այժմ աշխատում է հոգևոր ճեմարանում որպես ավագ վերակացու:

Տ. Արտակ քահանա Սիմոնյան

Ծնվել է 1951 թվականին Ալթայի երկամասի Մաքսիմովկա գյուղում:

1956 թվականին ներգաղթել և մշտական բնակություն է հաստատել, ծնողների հետ, Էջմիածին քաղաքում:

1965 թվականին ավարտել է տեղի միջնակարգ դպրոցը և նույն տարին էլ ընդունվել հոգևոր ճեմարան: 1971 թվականին ավարտել է ճեմարանը: Նրա ավարտաճառի թեման է եղել՝ «ԺԹ դարի գրապայքարը»:

1970 թվականին սարկավազ է ձեռնադրվել և մինչև 1972 թվականը պաշտոնավարել հոգևոր ճեմարանում որպես ուսուցիչ և վերակացու:

ԶԵՌՆԱԴՐՈՒԹՅՈՒՆ Տ. ՀԱՅԿԱԶՈՒՆ ԱԲԵՂԱ ՆԱԶԱՐՅԱՆԻ

Ս/թ. փետրվարի 1—2-ը կարևոր օրեր եղան լոնդոնահայության համար: Այդ գաղութի պատմության մեջ առաջին անգամ կատարվեց քահանայական ձեռնադրություն՝ ձեռամբ Անգլիայի հայրապետական պատվիրակ և Լոնդոնի հայոց հոգևոր տեսուչ տ. Ներսես եպս. Պողոսյանի: Այս առթիվ Փարիզից հրավիրվել էր տ. Նորվան վրդ. Զաքարյանը՝ որպես խարտավիյակ:

Նորընծա Վրեժ սրկ. Նաչարյանը Մայր Աթոռ ու Էջմիածնի միաբան է: Ծնվել է 1952 թ. Հայեպոլում: Նախնական կրթությունը ստացել է Բեյրութի Հովակիմյան-Մանուկյան վարժարանում: 1967 թ. ընդունվել է Մայր Աթոռ ու Էջմիածնի հոգևոր ճեմարան

և ավարտել այն 1973 թ.: Ավարտաճառի թեման է եղել՝ «Մխիթար Գոշի «Մեկնութիւն Երեմիայի» աշխատությունը»: Սարկավազ է ձեռնադրվել 1972 թ.: 1974 թ. սեպտեմբերից իր բարձրագույն աստվածաբանական ուսումն է շարունակում Քեմտրեբրիի ու Օգոստին քոլեջում:

Փետրվարի 1-ին, շաբաթ օրը, երեկոյան ժամը 17.30-ին, տեղի է ունենում նորընծայի կոչման արարողությունը:

Փետրվարի 2-ին, կիրակի օրը, առավոտյան ժամը 10.30-ին, Լոնդոնի ու Սարգիս եկեղեցում սկսվում է ու պատարագի արարողությունը: Պատարագում է տ. Ներսես եպս. Պողոսյանը: «Ողջուն»-ից առաջ

սրբազան հայրը օծում է նորընծայի ճակատը և ձեռքերը՝ վերանվանելով նրան տ. Հայկազուն քահանա: Օծման սրտատուչ արարողության ավարտին քարոզում է պատարագիչ սրբազան հայրը՝ «Հայր իմ և մայր իմ թողին զիս և Տէր ընկալաւ զիս» բնաբանով:

Ս. պատարագին և ձեռնադրության արարողությանը անգլիկան եկեղեցու կողմից հրավերով մասնակցում էին Քենտրբերիի արքեպիսկոպոսի քարտուղար կանոնիկոս հայր Մայքլ Մուրը և ս. Օգոստին քոլեջի տեսուչ հայր Ա. Հարվին:

Նույն օրը, երեկոյան, կատարվում են «Օրհնություն արեղայի» և «Օրհնություն վեղարի» կարգերը:

Ս. պատարագից հետո հյուրերը և ներկաները հրավիրվում են Նվարդ Կյուպենկյան սրահ, Տիկնանց հանձնախմբի կազմակերպած փառավոր ճաշերույթին:

«Էջմիածին» ամսագրի խմբագրությունը ջերմորեն շնորհավորում է նորընծաներին և մաղթում, որ նրանք լինեն ճշմարտապես գիտակից սպասավորները հայ եկեղեցու, հարազատ զավակները Մայր Աթոռի և «մշակք առանց ամօթոյ»:



Տ. Հայկազուն արեղա Նաչաբյան

